



**TRAFNIDIAETH  
CYMRU**  
TRANSPORT  
FOR WALES

Llawr 5, Tŷ South Gate  
Stryd Wood  
Caerdydd CF10 1EW  
029 2167 3434  
cyswllt@trc.llyw.cymru  
trc.llyw.cymru

5th Floor, South Gate House  
Wood Street  
Cardiff CF10 1EW  
029 2167 3434  
contact@tfw.gov.wales  
tfw.gov.wales

Russell George AC  
Cadeirydd  
Pwyllgor yr Economi, Seilwaith a Sgiliau  
Cynulliad Cenedlaethol Cymru  
Tŷ Hywel  
Caerdydd  
CF99 1NA

Mehefin 2019

Annwyl Mr George


Diolch am rannu adroddiad Pwyllgor ESS, Datblygu Trafnidiaeth Cymru yn y Dyfodol, gyda ni. Rydym yn croesawu'r adroddiad ac yn diolch i'r pwyllgor am ei waith, a gofynnwyd i mi ymateb i Argymhellion 1 i 3 a 7 i 13.

### **Argymhellion**

**Argymhelliad 1.** Rhaid i Trafnidiaeth Cymru symud yn gyflym i sefydlu grŵp cyngori ffurfiol i'w alluogi i ymgysylltu â chyrrff rhanddeiliaid a gwella ymwybyddiaeth y cyhoedd o gyfrifoldebau a swyddogaethau Trafnidiaeth Cymru, a'r llinellau atebolrwydd ar gyfer yr holl swyddogaethau trafndiaeth amrywiol yng Nghymru.

*Bydd TrC yn creu panel cyngori i ddarparu adborth ar gyflwyniad ei wasanaethau. Bydd y panel cyngori yn cynnwys is-baneli a fydd yn rhoi cyfleoedd clir i leisiau cwsmeriaid, rhanddeiliaid a charfanau diddordeb gyngori TrC ynghylch ei weithgareddau. Caiff hyn ei reoli mewn ffordd agored a thryloyw i ddarparu gwelededd cyhoeddus i'r allbynnau o'r strwythur hwn.*

**Argymhelliad 2.** Rhaid i Trafnidiaeth Cymru ddangos ymrwymiad cryfach i ddiwallu anghenion cwsmeriaid a gwella profiad teithwyr: rhaid iddo ddefnyddio ystod eang o feganweithiau, yn ffurfiol ac yn anffurfiol, i ymgynghori ac ymgysylltu â rhanddeiliaid a theithwyr. Dylai Trafnidiaeth Cymru ddatblygu a chyhoeddi cynllun cyfathrebu ac ymgysylltu cynhwysfawr sy'n nodi ei ymagwedd ac yn nodi'n glir pa safonau y gall rhanddeiliaid a'r cyhoedd eu disgwyl. Dylai'r cynllun ddangos yn glir sut y bydd Trafnidiaeth Cymru yn ystyried barn grwpiau defnyddwyr a rhanddeiliaid allweddol.



Mae Trafnidiaeth Cymru yn eiddo i  
**Lywodraeth Cymru**  
Transport for Wales is owned by the  
Welsh Government

Cyfeiriad cofrestredig y swyddfa: Canolfan QED, Prif Heol, Ystâd Ddiwydiannol Treforest, Pontypridd CF37 5YR.  
Trafndiaeth Cymru rhif cwmni: 09476013. Cwmni cyfyngedig drwy warrant. Cofrestrwyd yng Nghymru.  
Registered office address: QED Centre, Main Avenue, Treforest Industrial Estate, Pontypridd CF37 5YR.  
Transport for Wales company number: 09476013. A company limited by guarantee. Registered in Wales.

*Yn unol ag argymhelliad 1, bydd TrC yn creu panel cynghori i ddarparu adborth ar gyflawni ei wasanaethau. Ategir hyn gan adeiladwaith cynghori ehangach a chynllun a fydd yn darparu llwybrau clir a hygyrch ar gyfer ymgysylltu gan ddefnyddwyr, rhanddeiliaid a grwpiau â budd. Ym mis Mai, cyhoeddodd TrC ei weledigaeth ar gyfer Rheilffyrdd Cymunedol sy'n amlinellu sut y bydd yn gweithio gyda chymunedau i sicrhau bod eu hanghenion yn cael eu hadlewyrchu yng ngweithgareddau TrC.*

*Fel rhan o'r adeiladwaith cynghori, bydd TrC hefyd yn ystyried strwythurau ymgysylltu cyfredol a sut y gellir eu hymgorffori i sicrhau bod cyfleoedd clir a thryloyw ar gyfer ymgysylltu ar draws y cylch gwaith cyfrifoldebau presennol. Bydd TrC hefyd yn cyhoeddi crynodeb lefel uchel o'i gynllun cyfathrebu ar gyfer 2019/2020.*

---

**Argymhelliad 3.** Rhaid i Trafnidiaeth Cymru gyhoeddi siart sefydliad ar gyfer y sefydliad cyfan – nid y bwrdd yn unig - gyda manylion am swyddogaethau a rolau yn y sefydliad, a dylai'r wybodaeth hon gael ei diweddarau yn rheolaidd (bob mis i ddechrau) wrth i'r sefydliad dyfu. Dylai ddangos a yw staff yn cael eu cyflogi'n uniongyrchol neu fel ymgynghorwyr, a rhoi digon o fanylion am natur y gwaith arbenigol y mae'n ei wneud.

*Mae TrC yn credu mewn bod mor agored a thryloyw ag sy'n ymarferol bosibl. Ar hyn o bryd, rydym yn cyhoeddi enwau a chyfrifoldebau ein tîm uwch, y meysydd dan eu gofal yn ogystal â'u bywgraffiadau. Credwn fod hyn yn gymesur ag arfer da, fel sydd yn amlwg oddi wrth yr Awdurdodau Trafnidiaeth eraill*

#### **Transport for London**

<https://tfl.gov.uk/corporate/about-tfl/how-we-work/corporate-governance/board-members>

#### **Transport Scotland**

<https://www.transport.gov.scot/about/senior-management-team/>

#### **Transport for the North**

<https://transportfornorth.com/leadership-team/>

*Rydym yn cydnabod ac yn deall y gofyniad i ddangos datblygiad ein tîm ochr yn ochr â'r galw llai am ymgynghorwyr i gefnogi ein swyddogaethau craidd. Ar gyfer y flwyddyn ariannol bresennol a blynyddoedd ariannol i ddod, rydym yn bwriadu cyhoeddi contractau gwerth dros £25,000 a ddyfarnwyd ar ein gwefan yn chwarterol. Byddwn hefyd yn ymchwilio i'r ffordd orau o ddarparu gwybodaeth ddefnyddiol ar ein gwefan sy'n cydnabod y bydd ein datblygiad parhaus yn elwa o gefnogaeth ehangach, boed hynny gan weithwyr ar secondiad, lleoliadau cydweithredol ffurfiol gan sefydliadau sector cyhoeddus eraill neu gan ymgynghorwyr.*

---

**Argymhelliad 7.** Fel rhan o'i adroddiadau cyhoeddus rheolaidd ar ei weithgareddau, dylai Trafnidiaeth Cymru ddarparu tystiolaeth glir o sut y mae'n cydymffurfio ag egwyddorion Deddf Llesiant Cenedlaethau'r Dyfodol (Cymru) 2015.

*Mae TrC ar hyn o bryd yn alinio ei waith ar Ddatblygu Cynaliadwy ac mae'n paratoi Cynllun Datblygu Cynaliadwy yn seiliedig ar ofynion rhwymedigaethau cytundebol y gweithredwr a phartner datblygu (ODP). Rydym yn cyfarfod yn rheolaidd â Swyddfa Comisiynydd Cenedlaethau'r Dyfodol ac mae'r ddogfen hon wedi'i mapio yn erbyn y Nodau Llesiant, a bydd yn cael ei hadrodd yn fewnol i'r Bwrdd ym mis Ebrill 2020 a Swyddfa Comisiynydd Cenedlaethau'r Dyfodol ym mis Mehefin 2020.*

*Rydym wedi datblygu adnodd mesur ar y cyd â Gwerth Cymru a fydd yn cael ei ddefnyddio i fesur manteision cymunedol ein prosiectau, ac mae hefyd yn gallu darparu allbynnau data sy'n cyd-fynd â'r Nodau Llesiant.*

*Bydd gan ein prosiectau eu Cynlluniau Datblygu Cynaliadwy eu hunain, a chaiff y rhain eu mapio yn erbyn Cynlluniau Lles y Bwrdd Gwasanaethau Cyhoeddus a Cyfoeth Naturiol Cymru ar gyfer yr ardaloedd lle maent yn cael eu darparu. Fe'u mesurir gan ddefnyddio'r adnodd mesur y cyfeirir ato uchod.*

---

**Argymhelliad 8.** Dylai Trafnidiaeth Cymru a/neu Lywodraeth Cymru roi mwy o fanylion i'r Pwyllgor am y cynlluniau a'r amserlen ar gyfer datblygu tocynnau integredig a theithio clyfar i Gymru.

*Lansiodd TrC gynllun peilot tocynnau clyfar ar gyfer deiliaid tocynnau tymor ar 1 Ebrill 2019, a hynny ar ddau lwybr i ddechrau; Caerdydd i Benarth ac Amwythig i Wrecsam.*

*Yn dilyn gwerthusiad ym mis Mehefin, bydd y cynllun peilot yn cael ei gyflwyno i fwy o lwybrau a chynhyrchion yn ddiweddarach yn y flwyddyn, gyda'r amcan o symud y rhan fwyaf o docynnau tymor i gardiau clyfar.*

*Mae gwerthusiad yn mynd rhagddo ar hyn o bryd ar gyfer tocynnau integredig, talu wrth fynd a thocynnau ar sail cyfrifon ar gyfer ardaloedd eraill yng Nghymru. Mae rhagor o fanylion am ein rhwymedigaethau yn y maes hwn i'w gweld yma;*  
<https://trc.llyw.cymru/cy/prosiectau/qwasanaeth-rheilffyrdd-cymru-ar-gororau>

---

**Argymhelliad 9.** Dylai Llywodraeth Cymru sicrhau bod strwythur Bwrdd Trafnidiaeth Cymru yn cael ei gryfhau'n sylweddol a'i fod yn cymharu'n ffafriol â chyfansoddiad a setiau sgiliau cyrff gweithredol trafndiaeth eraill. Dylai'r gynrychiolaeth ar Fwrdd Trafnidiaeth Cymru, a'r ffordd y mae'n gweithredu ac yn gwneud penderfyniadau, gael ei dylunio i ymgorffori dull partneriaeth gymdeithasol cryf ac agored, ac ymrwymiad i amrywiaeth o fewn y sefydliad. Dylai Trafnidiaeth Cymru hefyd gyhoeddi cofrestr gyflawn o fuddiannau holl aelodau'r Bwrdd a'i gyfarwyddwyr ar ei wefan.

*Dros y chwe mis diwethaf, mae TrC wedi parhau i gryfhau aelodaeth a strwythur ei Fwrdd trwy benodi Cadeirydd parhaol a chyfarwyddwr anweithredol annibynnol sy'n gyfrifol am archwilio, risg a chyllid. Mae gan y Bwrdd bedwar is-bwyllgor –*

- *Archwilio a Risg,*
- *Cwsmeriaid a Chyfathrebu,*
- *Iechyd, Diogelwch a Llesiant, a*
- *Pobl.*

*Mae pob is-bwyllgor yn cyfarfod o leiaf bob chwarter ac mae cylch gorchwyl cytunedig wedi'i gyhoeddi ar wefan TrC. Cadeirir pob is-bwyllgor gan gyfarwyddwr anweithredol TrC, gyda chyfarwyddwr anweithredol ychwanegol yn bresennol fel aelod o'r pwyllgor.*

*Mae TrC yn gyflogwr teg a chynhwysol ac mae'n awyddus i fwrw ymlaen â phenodiad cynyddol o sicrhau cynrychiolydd Undeb Llafur enwebedig ar y Bwrdd. Cysylltodd TrC â TUC Cymru ar 4 Mawrth 2019 i ddechrau ymgysylltu ar gytuno ar broses o wneud apwyntiad, a chynhaliwyd cyfarfod â hwy ar 7 Mehefin.*

*Mae TrC hefyd ar ddechrau proses o benodi cyfarwyddwr anweithredol sydd â phrofiad a gwybodaeth addas o'r sector trafndiaeth. Mae'r Bwrdd yn cydnabod bod amrywiaeth, ym mhob ffurf, yn allweddol i sicrhau bod gwahanol bersectifau yn cael eu cyflwyno i'w brosesau penderfynu. Mae'r Bwrdd yn credu bod rhywedd yn agwedd bwysig wrth greu'r Bwrdd gorau o ran cydbwysedd a chyfansoddiad, ac ar hyn o bryd mae'r bwrdd yn cynnwys pedair menyw a thri dyn.*

*Mae cofrestr o fuddiannau aelodau'r Bwrdd yn cael ei gyhoeddi ar wefan TrC ac yn cael ei ddiweddarau'n chwarterol.*

---

**Argymhelliad 10.** Dylid cyhoeddi canlyniadau dienw gweithgareddau Trafnidiaeth Cymru i asesu boddhad staff ar ei wefan.

*Yn ddiweddar, fe wnaethom ni ddefnyddio ein cynhadledd gyntaf i gynnal arolwg teimlo'r pwls ar sut mae ein cydweithwyr yn teimlo tuag at eu cyflogaeth a TrC, a sut y*

*gallwn wella. Rydym yn falch o rannu'r prif ddata (atodedig) a byddwn yn eu cyhoeddi ar ein gwefan.*

*Roedd yr adborth ar y cyfan yn gadarnhaol, er bod ein ffocws ar welliant parhaus wrth i ni ddatblygu a thyfu. Rydym yn cydnabod bod ymgysylltu â gweithwyr yn rhan annatod o gadw staff, gan ddatblygu amgylchedd lle gall pobl fod ar eu gorau a dod yn gyflogwr lle mae'r holl staff yn teimlo eu bod yn cael eu gwerthfawrogi a'u cymell. I'r perwyl hwn, mae eu hadborth yn bwysig, ac mae'r canlyniadau yn hynod o ddefnyddiol i ni.*

*Byddem yn hoffi meithrin ymagwedd dryloyw iawn o ran sut yr ydym yn symud ymlaen, a byddwn yn cynnal trafodaeth a dadansoddiad o'r pwnc hwn ar lefel Bwrdd. Ein bwriad yw cynnal grwpiau ffocws gweithwyr gyda thrawstoriad o staff o bob tîm a bandiau i gael adborth gonest ac agored a fydd yn ein galluogi i ddehongli'r data yn briodol. Gall y trafodaethau ffocws penodol yma lywio ein cynllun gweithredu arolwg a'n galluogi i gyfathrebu ynghylch sut y byddwn yn gweithredu ar eu hadborth.*

---

**Argymhelliad 11.** Dylai Trafnidiaeth Cymru ymrwymo i gytundeb partneriaeth gymdeithasol â'r holl undebau perthnasol cyn gynted â phosibl i ddangos ei ymrwymiad i arfer gorau.

*Mae undebau llafur yn rhan bwysig o ddatblygu ein sefydliad, a gyda hynny mewn golwg, mae TrC wedi dewis cydnabod pob undeb yn y sector er mwyn sicrhau ein gallu i weithio'n effeithiol mewn partneriaeth gymdeithasol wrth i ni dyfu. Mae TrC wedi cadarnhau gyda Llywodraeth Cymru ei fod yn awyddus i weithio gyda'r holl bartneriaid a ffurfioli unrhyw gytundebau cyn gynted â phosibl. Mae TrC yn cydnabod ac yn cydweithio â'r undebau llafur canlynol:*

- ASLEF
- FDA
- PCS
- Prospect
- RMT
- TSSA
- Unite

---

**Argymhelliad 12.** Dylai Llywodraeth Cymru sicrhau bod Trafnidiaeth Cymru yn gyfrifol am sicrhau bod ei gynllun adnoddau dynol yn canolbwyntio'n strategol ar ddatblygu sgiliau a mabwysiadu rhaglen brentisiaeth fel rhan o'i swyddogaethau yn y dyfodol.

*Mae TrC wedi ymrwymo i ymagwedd gadarn tuag at y rhaglen 'Gyrfaedd Cynnar'. Bydd hyn yn cynnwys Prentisiaethau, Graddedigion a lleoliadau myfyrwyr gyda ffocws arbennig ar gymunedau anodd eu cyrraedd, codi dyheadau a chofleidio gwahaniaeth. Rydym eisoes yn siarad â Llywodraeth Cymru, Prifysgolion, Bwrdd Hyfforddi'r Diwydiant Adeiladu (CITB) a Phartneriaethau Sgiliau Rhanbarthol i ddeall y cyfle a datblygu ein hymagwedd.*

---

**Argymhelliad 13.** Dylai Llywodraeth Cymru sicrhau bod polisi ac arferion caffael Trafnidiaeth Cymru yn cyd-fynd yn llwyr â chefnogi etifeddiaeth o sgiliau a hyfforddiant wrth gyflawni ei swyddogaethau.

*Mae Polisi Caffael TrC yn ymgorffori egwyddorion Deddf Cenedlaethau'r Dyfodol, gan gynnwys pwysigrwydd ei gyflenwyr yn darparu gweithlu sydd wedi'i hyfforddi'n dda.*

*Mae'r contractau sydd ganddo ar waith ar hyn o bryd yn cynnwys darpariaeth ar gyfer cynlluniau hyfforddi prentisiaid a graddedigion yn ogystal â monitro effaith hyn ar fusnesau bach a chanolig lleol a grwpiau dan anfantais.*

***Mae'r Cytundeb Grant yn cynnwys darpariaethau adrodd ar gyfer:***

***Cwmnïau Lleol, Busnesau Bach a Chanolig a Mentrau Trydydd Sector:***

- Y swm a wariwyd gyda busnesau yng Nghymru a'r gororau sy'n darparu nwyddau, gwasanaethau neu orbenion*
- Y swm a wariwyd gyda Busnesau Bach a Chanolig wedi'u lleoli yng Nghymru a'r gororau*
- Y swm a wariwyd gyda Mentrau Trydydd Sector Enterprises (TSEs) wedi'u lleoli yng Nghymru a'r gororau yn ystod y cyfnod.*

***Sgiliau, Grwpiau dan Anfantais:***

- Y swm a dalwyd i bobl sy'n byw yng Nghymru a'r gororau sydd/oedd yn gyflogedig o ganlyniad i'r contract yma*
- A yw'r contract yma wedi caniatáu i'r Contractwr neu isgcontractwyr i gadw staff a fyddai wedi colli eu swyddi oni bai am y gwaith a grëwyd trwy'r contract yma?*
- Staff sy'n byw yng Nghymru a'r gororau a gyflogwyd o ganlyniad i'r contract yma*
- Pobl sy'n byw yng Nghymru a'r gororau oedd gynt yn ddi-waith ond sydd bellach wedi'u cyflogi gan y Contractwr a/neu isgcontractwyr yn ystod y cyfnod o ganlyniad i'r contract yma*

***Hyfforddiant:***

- Prentisiaethau a gychwynwyd gan bobl sy'n byw yng Nghymru a'r gororau fel rhan o'r contract yma*

- *Wythnosau prentisiaeth a gwblhawyd gan bobl sy'n byw yng Nghymru a'r gororau fel rhan o'r contract yma*
- *Hyfforddiaethau gan bobl sy'n byw yng Nghymru a'r gororau a gychwynwyd ac a gwblhawyd fel rhan o'r contract yma*
- *Cyfleoedd profiad gwaith/interniaeth ar gyfer pobl sy'n byw yng Nghymru a'r gororau a gychwynwyd ac a gwblhawyd*
- *Cyfanswm wythnosau profiad gwaith/interniaeth a gwblhawyd fel rhan o'r contract yma*
- *Lleoliadau graddedigion ar gyfer pobl sy'n byw yng Nghymru a'r gororau a gychwynwyd ac a gwblhawyd fel rhan o'r contract yma*
- *Cyfanswm wythnosau lleoliadau graddedigion a gwblhawyd fel rhan o'r contract yma*
- *Cyfanswm wythnosau treial gwaith a gwblhawyd fel rhan o'r contract yma*
- *Cyfleoedd gwaith gwirfoddol a gwblhawyd fel rhan o'r contract yma*
- *Wythnosau gwaith gwirfoddol a gwblhawyd fel rhan o'r contract yma*
- *Cyfleoedd hyfforddi achrededig ar unrhyw lefel a gwblhawyd fel rhan o'r contract yma*
- *Wythnosau hyfforddi achrededig ar unrhyw lefel a gwblhawyd fel rhan o'r contract yma*
- *Cyfleoedd hyfforddi heb eu hachredu a gwblhawyd fel rhan o'r contract yma*
- *Wythnosau hyfforddi heb eu hachredu a ddarparwyd fel rhan o'r contract yma*

***Mae ein prif gontractau adeiladu yn cynnwys rhwymedigaethau ar gyfer y canlynol a gofyniad i adrodd yn eu cylch:***

- *Cyfleoedd hyfforddi a chyflogaeth, yn enwedig ar gyfer y rhai hynny sydd bellaf i ffwrdd o'r farchnad swyddi;*
- *Cyfleoedd cadwyn gyflenwi ar gyfer busnesau micro, busnesau bach a chanolig a sefydliadau trydydd sector;*
- *Gwelliannau i berfformiad amgylcheddol, gan gynnwys lleihau carbon, lleihau gwastraff, lleihau'r defnydd o ddŵr, gwelliannau mewn ansawdd aer ac ymagwedd gyfrifol at fioamrywiaeth; a*
- *Cyfraniadau i'r gymuned leol, fel gweithio gydag ysgolion a cholegau lleol, profiad gwaith/lleoliadau gwaith a hyrwyddo diwylliant a'r iaith Gymraeg.*
- *Cydweithio'n effeithiol gyda'r Cyflogwr a thrydydd partïon perthnasol i fynd i'r afael â bylchau sgiliau a phrinder sgiliau a nodwyd. Lle bo'n briodol, dylid gweithio gyda'r Cyflogwr i gefnogi cynlluniau Prentisiaeth a chynlluniau graddedigion y Cyflogwr.*

***Gweithio gyda mentrau cymdeithasol:***

*Yn ddiweddar, mae TrC wedi dyfarnu contract i ELITE Paper Solutions, menter gymdeithasol sy'n helpu pobl ag anableddau i sicrhau cyflogaeth. Wedi'i lleoli ym Merthyr Tudful, penodwyd ELITE Paper Solutions i storio a chadw dogfennau a chontractau wedi'u harchifo ar ein rhan. Mae'r fenter gymdeithasol wedi bod yn cynorthwyo pobl ag anableddau i sicrhau a chynnal cyfleoedd gwaith cyflogedig yn eu cymunedau ers 1994.*

*Rydym hefyd wedi ymgysylltu â'r Ganolfan Hygyrchedd Digidol, menter gymdeithasol yng Nghastell-nedd sy'n gweithio gyda chleientiaid i greu cyfryngau digidol sydd ar gael i'r holl boblogaeth, ac sy'n bodloni safonau a deddfwriaeth ar arfer gorau a hygyrchedd. Penodwyd y Ganolfan Hygyrchedd Digidol i brofi'r broses ceisiadau ar-lein ar gyfer deiliaid cyfredol a newydd Cardiau Teithio Rhatach a Chardiau Teithio'r Anabl rhwng mis Medi a mis Rhagfyr 2019, yn unol â gofynion cydymffurfio Lefel A ac AA y Canllawiau ar Hygyrchedd y We (WCAG) 2.1 W3C.*

---

Yn gywir

James Price